

9 月 29 日早會短講—主題：9 月 30 日中國烈士紀念日

校長、各位老師、各位同學早晨，我係...我係...

甲：今日我哋想同大家分享一個好重要嘅日子，9 月 30 號——中國烈士紀念日。

乙：係呀，你知唔知點解會選擇呢一日做烈士紀念日呢？

甲：我知道，為紀念中國近現代史上犧牲既人民英雄，係 1949 年 9 月 30 號北京市天安門為人民英雄紀念碑奠基，國家就決定用呢日嚟紀念為國家犧牲嘅英雄，係國慶前夕，普天同慶既日子前提醒我哋緬懷呢批先烈。

乙：㗎，烈士係指啲為咗國家同人民犧牲嘅人，唔一定係軍人，可能係科學家、普通老百姓，佢哋為咗大家嘅幸福同和平，付出咗好多。

甲：烈士真係好偉大，唔怕困難同犧牲。例如抗戰期間，壯烈犧牲既軍人、游擊隊員，佢哋嘅勇氣真係好值得我哋敬佩。

乙：係呀！佢哋嘅精神提醒我哋，今天嘅和平幸福得來不易，係好多英雄用生命換嚟嘅，我哋應該「飲水思源」，對為國家貢獻犧牲既烈士致以最崇高既敬意。

甲：我哋作為學生，可以用自己嘅方法去繼承呢種精神，好似努力讀書、關心身邊嘅人，識得感恩，呢啲都係我哋應做嘅事。

乙：每年 9 月 30 號，國家會喺天安門舉行莊重嘅獻花儀禮，唔同地方亦都會有紀念活動，一齊緬懷烈士。呢啲儀式唔止係表面形式，亦提醒我哋唔好忘記歷史，要明白依家嘅好生活來之不易，同埋擔起未來嘅責任。

甲：雖然我哋而家係學生，但只要我哋努力學習，關心社會，將來一定可以為國家出力，回報烈士嘅犧牲。總之，烈士紀念日教我哋應該學會感恩，學識擔當，努力向前行。

乙：冇錯，大家一齊用行動繼承烈士精神，珍惜今日，好好讀書，做國家嘅棟樑！

甲、乙：多謝大家，記住 9 月 30 號，我哋一齊好好紀念呢個重要嘅日子！